

列朝詩集

閩編第五

宗室十人

周藩宗正睦擇二十三首

唐藩鎮國中尉頌勳二十二首

輔國中尉器封八首

寧藩鎮國中尉多燿二首

奉國將軍多炆六十一首

子謀燿九首

宗正貞靜先生謀燿三首

王孫謀燿五十四首
胡炎章一首

藩藩輔國將軍恬炆一首

輔國將軍理圻二首

內侍二人

王翺二首

張維二首

青衣三人

李佶二首

李英八首

馬來如二首

傭書一人

谷淮三首

無名氏詩三十一首

郊居生銅仙辭漢歌

和胡學士牛首詩

陳廬陵挽詩

正德中朝士詩

玉山道者詩

莎衣乞者

桃源方士

癡願子二首

越僧詩

吳下人詩

芭蕉士女

牧牛圖

題宣和石榴

松雪畫馬

金陵題畫詩

瀟湘八景四首

西湖八景二首

盤山石刻詩

薊州桃花寺詩

銀山詩

高平碑刻詩

石室山寺題詩

祈澤寺詩

南潯祇園寺詩

庵壁尼詩

雲陽爰書詩

集句六人

賦入笙簧自愧非枚馬贊歌厠躬行

遣使詣李中麓太常求錄諸經圖解獲之喜而賦謝

好古君侯最遺編賴不亡遠從濟上投曾向壁中藏負馬罔纒識傷麟獲
未荒簡將青竹剖函以碧芸香存樂元聞魯傳經幸在梁因觀科斗字白
日到競皇

立春日紀山西石二使君陳程二閩帥邀遊吹臺同張戎方賦

聽馬羣芳出高臺野望同人皆惠連藉地卽孝王官宴對幽林雪歌餘大
國風斷垣蒼蘚合遺沼碧流通日轉平蕪外春歸遠樹中今朝逢賦客懷
古意何窮

胡詠竹隱君挽歌

大隱卜龍川疑君楚澤賢紉蘭思舊製詠竹簡遺編塋有職舟地人無問
字年黃山仍似昨卅竈獨蕭然涇草晞春露溪松偃暮年鳩來一南眺不
見客星懸

送邢憲僉入賀

憲使趨京邑旌旗指上台霜威驅海暑雨色淨氛埃長樂陳仙樂承明捧

壽杯御爐香欲散官扇影初開獻頌封人意匡時國士才向來廷評地瞻
恋獨遲迴

聖駕南狩楚中有詔免逐

法駕乘春出上雍千官劔佩肅雖離分禋四岳登新典望歷三湘屬舊封
江州遙憐敗館色巖花應似被思容宸遊自識群情洽欲向周南歎不逢
閔明卿補高州

十年載筆侍楓宸萬里分符向海濱共擬禁庭思長孺莫尋湘水吊靈均
三山桂發烟中色五嶺花生雪裡春此去誰言留滯久君恩先到泣珠人
明卿行父道函諸公枉過陂上分韻得烟字

予予于旄雜暮烟浚郊千載尚依然紫扉近接鷗汀側草閣平臨雉堞前
綠柳影含新駐舫碧芸香護舊題篇夜分把臂酣歌地細雨青燈似昔年
早春大中丞同川李公見訪詢及陂上舊游處賦此奉簡三首

陂塘春至綠波生講肆肅然對古城多謝故人頻問訊渚蘭汀樹正含情
夷門東向接郊坰使節曾于此地停十九年華一回首紫雲空護壁間銘
清溪自分老漁竿白首忻逢舊豸冠蘆葉檉華最深處艤舟猶記昔時歡

席上送樵村兵憲西亭

雲黃沙白靜邊州萬里風烟屬上游幸值清村無所事且從射獵海西頭
寄穆少春吏部

闕下投書去不返山中種豆今何如欲問形容向來使臞然應似楚三閭

唐藩鎮國中尉碩勳

碩勳字孔炎唐定王五世孫新野王之曾孫也祖輔國將軍字浹五歲喪
明從師氏盡掌識文字而耳授書久之博通群籍熟習國家典故旁通太
乙壬遁百家之學辯識古器以手摩之卽解唐成王以摩天王目之父宙
松力舉千斤好劍任俠孔炎博雅慷慨博學工文與其子器封並以詞章
名海內號南陽公子萬曆中吏科推舉諸藩文行堪任宗正者於唐則首
孔炎父子各有詩集行世

送王山人游三楚

門前楊柳樹風亂麴塵絲日暮臨溪別春帆適楚時人烟楊子渡山木偃
王祠處處生芳草悠悠千里思

郊居

結屋臨溪水悠然心自閑
泉分杯底月雲共枕前
山芳樹經春合幽禽薄
暮還隣人借漁釣嗑介款柴關

過族祖姑壽陽君主墓

高阜城西墓荒涼臥石麟
青山猶似黛金粉自成塵
花落梅粧在鶯啼竹
淚新向來許鮮月不照夜臺人

訪張茂才時甫不值

尋君復不遇長嘯出林間
草滿池中水蓬高屋外山
夕陽看鳥盡秋色任
雲閒愛介幽居好歸來亦閉關

答寄歐楨伯水曹

聞醉金陵酒高歌李白樓
書來牛渚夕賦罷鳳臺秋
徑竹栽青簡江花照
綺裘從來何水部頭白尚風流

香嚴寺代襲美懷子田

幾日忽成別出門秋草長
西風看鴈序落月掩龍堂
公子蘭爲藻緇耶穗
作香山中苦相憶惟恐石成羊

九日隱山別野過隣翁葉氏莊偶贈

垂老事耕鑿結隣還爾宜相攜鹿門隱不作牛山悲疎木掩村巷孤雲生
水湄隔林見烟火莫負往來期

洛陽吟

雒陽芳草正漫漫曾是伊王古社壇殿壁斷環收拾盡青山留與路人看
秋日聞鶯東允治

秋鶯噤雨如絲曉入西園獨聽時回首綠楊搖落盡教鶯還上萬年枝
邵山人子俊見過話游梁事

有客擔簦過艸堂一尊風雨話游梁雁池寂寞芙蓉冷逢着行人說孝王
鍊真宮

九華宮殿草菲菲公主西游去不歸底事不如秦弄玉至今青鳥恨雙飛
山中送襲美

龍伯祠前白日斜山中七日飯胡麻送君最愛春潭水流出東風玉砌花
紀夢

一夜西風玉枕涼夢回明月在橫塘分明記得相逢地笑隔荷花喚阿郎
金谷園

花落樓空委翠塵，千秋明月恨長新。西風原上群芳歇，獨有芙蓉似美人。

春日懷長安故人

美人遙憶鳳城西，芳草年年路欲迷。今日出門春已半，櫻花如霰曉鶯啼。

再過信師房

廿載羣師止閉關，秋風今日鬢毛斑。重來指引看花地，一榻荒涼野草閒。

惜昔

濟淮濁酒憶同舟，回首風烟又感秋。一朵行雲傾下蔡，半帆殘月按涼州。吐茵丞相何曾惱，剪袖佳人不解愁。紅燭半銷芸榻曙，夢回行露濕空篋。

歐楨伯得請歸嶺南賦此以寄

白頭詞賦出先秦，隻字猶能泣鬼神。桃葉渡頭三載客，梅花嶺上一婦人。鷓鴣啼處垂丹荔，鴻雁歸時滿白蘋。惟有寄書書更遠，生前想作範銅身。

過允治園感懷

三徑蕭條半綠苔，故人此地罷銜杯。莎長露砌蛩爭語，荷敗秋池雁獨來。流水無音琴絕響，崩雲有恨笛生哀。忘情不擬陳王賦，獨步斜陽數落梅。明卿避世下雒著書告成久，不得訊馳此往問。

十載回山只著書一編初就竟何如
殺青想盡黃陵竹剖素常空白水魚
塵起江頭頻障扇秋深門外久縣車
明年待買瀟湘棹欲就三閩問卜居
讀徐宗伯沙市獄記

十二星辰應土羅提封高帝舊山河
自從梁郅分旌侈轉厭長沙舞袖多
汶水一區還魯後商於十里奈秦何
銘助不在干戈際長歎西風詠爛阿

寄曾三父

日暮風沙路轉迷征鴻愁度兢陵西
雲霞楚樹連江暗雪漲瀟江泊水低
三戶沒金千口累兩朝懷玉幾人啼
同時縱有劉光祿封事于今不敢題

輔國中尉器封

字子厚頑勉之子著定志略附果園集

均州樂二首

真人官對青樓起面面青樓俯江水
樓上瑩篔簹樓下船大堤花暖漢江烟
漢江估客青樓妾十五蛾眉嬌可憐
白銅小唱黃金樓對客還成可憐語
燈頭客醉不留行明道峯峰望雲雨

臨江買人黃篋船沈沈青油篙刺天下
船上岬買魚酒二八當城誇數錢
烟紫羅幌春將晚白日嘶山不思返
珠簾紅袖影傴俄樓上明粧樓下波

沙棠樹上嬌春鳥，月出平江齊唱歌。

游泰山二首

萬丈披鴻濛，遶勢斷太古。赤山表東關，山峰連翠羽。輕霄無駐景，群鶴有常侶。海氣浮丹毛，盈盈栖復舉。下有窈窕岩，隱隱僅可睹。几橫三五書，紫漿黃金鑊。竹花開五色，苔葉垂千縷。飲泉仰天漿，茹芝飽春露。矯矯升天龍，斤斤日中兔。關塵日暮黃，豈辨秦楚路。片雲停不飛，下覆昭王墓。靈峰七十二，一一相爲通。峰下結竹龍，雲中響柝蟲。相接梁柱飛，各顯班倕工。觸首入雲清，下界猶丹空。六燈飾堦砌，璫嶼雕房櫳。阿閣棲鳳凰，仙闕標芙蓉。金蕙落蕭蕭，石梁亂飛虹。珍木集丹地，扶疎羅修桐。碧玉柯春陽，發萌茸紫莖。光陸離綠葉，紛青葱。愛此飲食食，駐顏游無窮。

鬼谷

鬼谷最深遠，千靈迷礪瀕。高風響水葉，山根暖餘春。未敢別人界，桃花是

谷神

寄田子藝

芙蓉搖落寄何遲，遠道猶涵玉露滋。山遶穆陵秋盡盡，月明滌水夜離離。

緝經臺畔一燈寂，搗鼓樓前雙杵悲。無奈西風吹病骨，因君將賦五游詩。

郇關歸憩刁河寺憶子田襲美之萬

西來駟馬度晨星，却望群峰刺眼青。門外苔痕留遠屐，水邊花樹覆空亭。分携憶折相思柳，獨臥長窺如意瓶。翻與山僧重握手，日華杲杲澗冷冷。

夜渡小江口宿丹崖趙氏寄懷李子田太史

平沙為席石為幢，歇馬呼船夜渡江。雙槳烟迷青艸渚，九霄月傍綠芸窗。門前題字過丹穴，客裡逢春覆玉缸。覓尔深山讀書處，幽居長羨鹿門龐。

寧藩鎮國中尉多嶺

多嶺字宗良，寧獻王六世孫，輔國將軍拱樞之子也。博雅好修，以多燧齊名。晚益折節，有令譽。掖垣薦堪宗正者，于南昌首舉宗良。後病痿，不廢吟詠。譚藝者稱其佳句有：太室出雲來，署裏黃河如帶掛。城頭關山曉，月趨三輔鴻雁秋。霜度九河路，經軒后。臨戎坂山接高歡，避暑宮鴻聲亮節信。朱邱之雋也。

雨

觸石陰霞北嶺遙，逗風寒雨入簷飄。天涯故舊惟孤枕，篋裏衣裳祇敝貂。

縱雪蘆花紛歷歷經霜極葉莽蕭蕭
選應撼郭濤聲急只怪空江上夜潮
謝羅敬叔

病裏送君游白嶽歸來對我惜蒼顏
移家只是湖邊好莫問茱萸第幾灣
奉國將置多姪

多姪字貞言寧獻王之孫弋陽多煌弟也穎敏絕人善詩歌兼工繪事見
古人墨蹟一再臨撫如出其手赤牘小札日可百函語皆有致嘗輕裝出
游變姓名爲來相如遠覽山水蹤跡徧吳楚之間嘗借吳明卿入吳訪王
伯穀于金閨王元美于弁山歸而掩關却掃以勸游名其詩高僧雪浪爲
選定邸終操筆作帖命子謀璋以白幘鶴氅欵袴側並鐫勒銘識弟子私
謚曰清敏先生貞吉之從兄多燧字用晦與南昌余德甫爲詩友因而入
七子之社王元美作續五子詩用晦與焉用晦歟名自矜舉止多僻晚節
益嗜黃冶謝絕人事再舉宗正殿者益泉絕不樂卒德甫名曰德附七
子壇坫之末其詩靡靡不足觀而用晦與之麀唱聲調相似故其詩余無
取焉

十四夜翫月憶亡友彭輝修

玉繩界西陸澄空淨如靜庭柯
泫零露早見圓景滿怕馬增永懷頻
令衣帶緩四氣無終極人生一何短
心悲雍門操泪隕山陽管徂謝子山
丘悽其我華館臨觴慘不怡憂來莫能
欸

丙戌歲除

初年朝旭且故歲徂景夕逡巡蟻旋磨
儻忽駒過隙拙劣應逃世踈慵翻寢疾
逢時獨悲悼撫已三太息彌增長年媿
末契養生術昔賢夙相伍枚叟徒見七
每有憂生嗟憂來恨非一

以古玉釵寄馬姬

千有餘年兩鍍股傳玩微沾漢官土
當時貴姊應嘉辰此物曾經踴躍陳
同心七寶昔花結連理交枝竹節新
昭陽燕子無消息瞥見釵頭無比翼
遙憶美人臨鏡粧鳳凰臺前雙鳳凰

寄丘二十二謙之

丘邱一官一再左手板三投三不可進退艱
如躑躅羊功名澀似威蕤璣憶昔與子初結
歡觴咏澣祓章江干別來忽下閩中命五馬
重歌蜀道難聞中君家舊治域父子分符如
畫一耆舊摩挲去後碑少年摺拾毛中蹟

縱有詩名天地間，那能相見一開顏。
我慳秦聲君楚舞，醉望城頭千仞山。
君當疆仕不得意，我尚沉寤未知止。
與君各自關身強，四十頭顱已如此。
酬方干魯以製墨見寄

濃室瑜糜香，魏臺石螺色。
東海玄夷使，翰林子墨客。
此時落手金不渝，無事臨池水應黑。
阿圭阿谷久無光，處士千秋擅古方。
不博一杯獅子注，且留十襲約玄鬣。
回頭咲指窻前女，今日雙蛾畫較長。

題蘇廷尉子仁寫程徵君君衡北溪幽居圖

新安溪水清絕塵，輕舸下可數魚鱗。
溪邊直釣非漁父，溪畔幽居有逸民。
風掃波文縹成縠，雨過溪毛細于髮。
欲雨先噓白岳雲，曾波碎瀉黃山月。
廷尉先生今虎頭，贈君緝紙寫滄洲。
只知看画矜幽勝，忘却身從画裏游。

龍沙

龍沙駐蹕地，皇祖紀南征。
草昧君臣定，壺漿父老迎。
平臨章貢水，遠視瀘嬰城。
今古雄圖在，低徊落照明。

寄答思公時聞友人盛仲交之訃

江左貧支道，南州病許詢。
書工短長說，夢覺去來因。
廉字先生謚，斯文後

死身不知盛覽賦零落屬何人

送龍君御北上

薊北三千里揚帆復此行水程時序易身計羽毛輕玩世安窮達移官在
聖明離心并芳艸日夜爲君生

春日懷張羽王

言旋率嶽駕又作薊門行尊酒不爲別河梁空復清一官羈萬里十日寄
孤城日暮春雲起相思處處生

七月七日曬書中庭得吳明卿書報謝

消腹非經笥中庭曝舊書殷生慙半豹楚使慰雙魚黍曲存加飯綢繆問
卜房歆知旋袖地近得比園廬

借方仲美宗良兄再集宛在亭

一幽君恩重千秋賀監才亭虛水禽集池淨藕花開進艇涼風送釣簾返
照來誰能與朋好到此不銜杯

遊永叔郊居二首

王郎讀書處何異輞川莊竹舞風梢亂葵涼露葉香哦詩迷鹿柴洗研撥

漁梁久坐春陰合。傾杯送夕陽。雄鳩啼不歇。客散近黃昏。蠟屐黏香絮。單衣繡雨痕。炊烟尋去徑。社鼓望

前村。半道牛車至。爭馳入郭門。

懷姚匡叔時在嶺南

老去高游與南方。不可居新愁。攻短髮清泪。染長裾。吊影烽烟裏。全生瘴

癘餘。梅花空滿眼。珍重嶺頭書。

池上納涼履方履中二姪挾琴攜酒索臨禊帖醉後并示輝兒

小阮發清興。綠尊能為攜。池頭千个竹。烟月使人迷。琴罷思焦尾。書成損

赫蹄。酣呼居語。爾慎勿賤家雞。

邀鄧太素歐于苛周孟修盧時行陳彝甫但和叔汪於海張明用

彭次嘉王顯之魏伯饒辟疆同集賢士湖上

湖山看不厭。秋盡最宜人。楓葉經霜醉。蘋花過雨新。紫迴盤馬客。瀟灑好

鵝賓。攜手論文處。行藏已出塵。

衷誠獨委堯章。載酒邀何主。臣同飲

將卷滿春泥。松醪特為携。誰憐子桑戶。自惱太常妻。蝸篆苔紋厚。蠶眠雜

葉齊頽然聊取適相送及雞柄

智公在永寧寺檢藏

玄度繙經後支郎卓錫餘蓮花重結社蕉葉與供書半偈然香象千函校
魯魚此中如斷酒那得住籃輿

以印竹杖壽程孟鵠母

龍飛葛陂渚鳩刻漢王宮未若山中竹天然林下風一枝供慈喜萬里自
蠶叢歷盡峨眉雪深知節操同

送閔壽卿之金山

游客去欲盡送君瀕歲除身投開士宅口授異人書臥榻禪燈古吟聽水
月虛時臨沈研處芳訊付雙魚

送沈子健之餘杭簿

茗水分西浙餘杭更向西郵餐供海錯縣鼓候湖雞風壤吳趨接征徭
繡齊由奉紙價賤鄉信日堪題

同趙汝邁漆中甫二太史宿張明成司業東郊別墅分賦四章

水宿客程厭渡江聊繫舟交憑綺帶結飲約布衣留野館琴書暇田園

木柵因君解懸榻他日記南州

徒倚步郊坰西山黯翠屏春醪麴塵綠晚飯燭花青小隱鼓生桂浮踪一

聚并疾邪焉用賦其學古沉冥

荒雞警人語勸鳥貼風枝枕鄰高眠穩驚心起舞遲調元期未晚求試計

非時總有憂生感忘言各自知

卅霞朝蔽日零雨暮為霖白日歌長夜青綾共舊衾堦空欄瀨咽城遠鼓

聲沉蘭葉前溪滿寒芳寄此心

送方元素會黎秘書壘還里

在禪涼風發晴裝淑景温河山酣暢地翰墨死生恩負局輕喻嶺懷鉛尚

及門傷心兼恨別欲賦已銷魂

和希斯兄問疾之作

伏枕殘花盡開門墜葉深膏肓駭子策生死弟兄心原上聲猶急池頭句

可尋相憐越莊鳥不作楚人吟

別俞美長還江東

昔尋吳市隱邂逅虎丘筵今理南州榻予樓白社禪風偏別時便月苦病

中園後會江湖外蒼茫定幾年

病中得余靈承書

少別愁懷積微軀朔氣侵瘡來君子病書展故人心懋藉烹雙鯉支持哉
五禽山中如見月疑策素車臨

酬從姪遊儀元長德操

經年向壁臥挺動入春宜談虎魂銷後驚狼痛定時新抄病梨賦久廢詠
懷詞忽見堦庭雪因慙和曲遲

酬履方履中履直伯大四姪問疾詩

千有幽憂疾沉寔四序移蟻聲聽若聞蛇影見還疑竹下閒游屐花間罷
賭蒸親交如問訊未死汝南癡

移居二首

屋上青山半隔城門前林木有餘清林連北郭藏春色水過東家作雨聲
薄祿葱蒨堪養老閒身竹素最鍾情人嘲寂寞揚雄宅自笑玄經草未成
幾車書籍重新遷繞架殷勤手自編一世蠶魚同出入千秋鴻寶足留連
揮毫隔竹蕭蕭雨洗墨臨池澹澹烟熟讀離騷還痛飲頽然猶藉古人眠

長至日內集分陽字

纒室飛灰月轉陽閉關兄弟且持觴共書雲物驚時改祇益窮愁與日長
旋袖一爲鴛鴦舞稱詩三復鶴鴒章阿奴不預人間事歲歲承顏在北堂
初春寄唐惟良使君

春風庾嶺興何如落盡梅花未見舊人日能無常侍句屏星不定使君車
孤臺灌木催黃鳥二水流淅泮鯉魚莫笑鄴都才力盡胡牀東壁待應徐
熊茂初請假還蜀過幻景庵言別同孔陽弟酌之限歌字

十笏家開窄堵淡宰官乘輿入烟蘿狂來擊鉢詞鋒起醉後攤書梵字多
不定重逢爲日遠卽論少別奈愁何休將白社墳笈調聽作聖塘漚頌歌
問薤甫煙疾

海上何人說禁方科頭長似嬾稽康穿林雨暗茶烟綠隔院風微藥艸香
轉向病中憐故舊誰從身後定文章閉門不問春多少靜看飛花墜滿牀
周國雍叅藩寄紅扇衣賦此爲謝

萬里盤叢亦洗紗使君緘贈自三巴濯殘秋水天孫錦染盡春山望帝花
頰集菱荷成短褐閒過祇樹混袈裟相思鱗上江邊閣却捲朱簾坐暮霞

同劉問之啟明弟帶儀元長德操潔之姪塚趨兩兒伯墨孫弘孝
穆姪孫步出郊園料理歡喜菴飲賢士湖上

二月郊原艸樹平水邊重賦麗人行逃禪有地詩稱社負郭無田筆代耕
沙煖鏡花含笑態林暗黃鳥竊脂聲相逢園客忘機事轉洽年來抱楚情
送顧朝肅出守虔州

覽息青驄駕紫駟竹符新剖治虔州署中望闕孤臺聳江上行春二水流
氣候不齊連嶺海工風相雜半閩甌停車試問廉泉在要識澄清顧禮侯
司寇臨海敬所王公閱眎三領遠以圖說見遺賦詩二章爲報
鳴笳伐鼓出居庸馮軾邊城萬騎從每飯未嘗忘鉅鹿一編今已盡盧龍
行寧聞外紆籌策歸向尊前論折衝莫道書生無劍術箭中霜色吐芙蓉
一望重關塞艸枯主恩持節視防胡九邊烽火寒惟淨三領軍聲指掌呼
上谷去天低倚劍黃河如帶穩飛芻平枚聚落風沙色并入山陰雪障圖

曝書圖見故人梁思伯遺翰不勝懷舊之感

通除行舸繫江干盤礴津津到夜闌雨雪漫題詩閣去河山遂隔酒壚寒
延陵有劍徒心許南海無珠作泪彈素練淋漓裙數幅悲來開篋幾迴看

謝張直卿方岳以鐵如意見遺

土花斑剝錦模糊一片寒冰出鍛爐
致向書中稱折角捉來石上穩踟蹰
提攜起舞旋長袖慷慨酣歌缺唾壺
多謝司空饒博物祇愁無地擊珊瑚

上益王

睿德隆公族英才麗本支
三雍陋河間七步淺臨淄
瀟灑游仙詠從容樂善辭
問遺偏寵渥錫子倍恩私
手勅家人禮親賢國士知
綸言天只尺官扇墨淋漓
九子羅圭冕諸王屬屏維
具瞻龍種貴悉覽鳳雛儀
夜照青藜杖秋榮桂樹枝
虛車名並美擁篲節迥卑
丹洞穿菟苑麻源到雁池
瓜筵文玳瑁藥盃妙琉璃
大火西流暎長庚正耀時
茹茅京氏易松栢楚元詩
烏爪羞麟脯神功醜蟻扈
遙遙頌磐石黃髮以爲期

送徐朝直水部奉績入都

新涼澈徂暑徒御戒宵征
烟柳辭鳩署星榆集鳳城
書名注上考聯步切西清
袞職期山甫金錢計水衡
九門遲漏箭三殿緩鐘聲
待旦應多暇抽毫賦二京

同張明成司業飲管子安使君舟中申旦而別各賦一詩

未妨關法急來就使君期勝算藏驅戲偏師刻燭詩聞歌兩岸近邊獎百
壺移野燒侵沙滅疎鐘渡水遲西山半街月南浦暗流漸旅雁啼更徹檣
烏訛尾時江空人籍息衣冷曙霜欺極樂無朝夕輕裝動別離脂韞秣五
馬前路滿旌麾

詠宗良兄齋頭佛手柑

春雨空花散秋霜碩果低牽枝出織素隔葉卷柔荑指空禪師悟拈開法
嗣迷疑將洒甘露似欲攬伽梨色現黃金界香分肉膳膺願從靈運後接
引證菩提

送雷元亮赴國學

浦口餘春水舟前換夏雲黃驪低度曲綠蟻易成醺去鼓橋門篋行談虎
觀文曉鞍官月引宵枕禁鐘聞紈扇窺裁雪虞絃聽奏薰但教逢得意寧
復歎離群

送高汝謙廉訪之蜀

叱馭王程急何辭棧道難刀州開憲府劍閣擁詞壇一水縈巴字層城壯
錦官魚嘗丙穴美書發西陽看風采名先動霜威暑亦寒褰帷諭父老筆

觀惠文冠

送朱茂倩秀才由貴竹趨滇南省觀奉東當路諸公

英妙魯諸生趨庭肯計程所思官舍遠不憚鬼方行前渡清湘水先聞苦竹聲動人猿伏嘯動客鷓鴣情雜處風隨異夷居語未明天低莊躋壘山監武侯管庶丹惟分色昆蟲莫辨名祥龜符赤若天馬濯龍坑入貢來馴象臨流想石鯨幾年方偃革無事習佳兵漸化諸酋俗新安六詔城一人今有慶孤旅夜無驚重鎮須公等修塗荷太平

除夕咏懷二首

白屋多強仕朱門屈壯夫萬端皆落後不獨是屠蘇
意氣因寒動生涯與歲窮蓬蒿顛顛地明日也春風

答客

問我何因學酒禪纔呼米汁便流涎憑君鼻入蓮花社醉裏機鋒醒不傳

贈滿公

土木形骸滿月容儘教髭鬚雪茸茸不知夏臘今如此清隱菴前手種松

發悶

雨晴春城十萬家強插綵几到棲雅峭風欲閣游人屐吹盡牆頭柰子花
別何主臣之金陵兼柬歐水部

桂樹來攀雪滿枝芙蓉去采月臨池憑將蟬雀新團扇與乞江東水部詩
送梁傳之從襄陽將母南還

夫人城外漢江平遜子南迴五兩輕路出鄆邛頻雨雪槎頭魚腹筍初生
送王姬還芝城

檠蕪芽碧柳絲黃來往扁舟就沈郎一掬官亭清淺水凌波不怨洛川長
泊長蕩

蒹葭一望暮蒼蒼長蕩湖頭烟水長怪道今朝楓葉盡夜來七十二橋霜
湖口縣

湖水澄清江水渾江烟湖靄易黃昏請看湖口江心月一片寒光照縣門
清明湖上

湖畔行吟日未斜四年三度客天涯不知鷓鴣驚飛去穿破來禽滿樹花
過餘干

餘干城頭雲泊天琵琶洲下水如弦推蓬理詠隨州句落日平沙似往年

寧藩王孫謀輝

謀輝貞吉之子效其父變姓名爲來鯤字子魚出遊三湘吳越間有集行世湯若士爲叙

不寐

兩絕夢無情燈幃恍惚明餘香收病室高枕壓愁城樹動總含影鐘來屋接聲更闌推爰坐側耳聽鷄鳴

旅居獨夜

吟苦竟忘寐一燈孤影人溪樓連夜雪山縣隔年春水確響空澗石牀生薄塵寒更過橋去還向酒家親

白下集沈生于明府席上賦得春艸

芳杜奪幽色秦淮客路遙青蓮邀笛步綠鎖賽工橋柔雨生三徑殘烟認六朝夢歸南浦裏幾箇別魂消

病間寄徐無染兵憲

西風黃葉病沉沉尚憶街杯不廢吟我漸老來如燭影君憑官去肯灰心時嘗藥枕知寒苦月醉盞與愛夜深別後同游常入夢將家幽徑許誰尋

秋夕表太守招集衙齋

宵無郡事有閒情，爲問山經幾日成。
石榻澹雲孤客夢，簾櫳疎雨一官清。
燈明艸■驚蟲響，烟逼茶鐺阻鶴行。
向說匡家秋不盡，滿簷寒濕漱松聲。

春日郊行

荒利虛亭古墓平，幽閒地上一僧行。
初疑廢井人烟絕，又見叢林佛火生。
夾道白楊翁仲影，繞籬紅杏子規聲。
芳魂豔魄增惆悵，日擁沙堆半過城。

秋晚熊二仲紆喻二宣仲見過蘇園小坐

入林消受片池風，並坐秋陰話未窮。
黃蔭病梨霜露下，紅稀撚柿夕陽中。
撚柿出會心客近，窺魚寫顧影人閒。
數雁鴻二仲偶來棋一局，鑪香錯茗不曾空。

兩臥

不睡愛聽雨，雨聲聽不明。
莫能新夢去，怕有舊愁生。

就鷲峰寺宿同喻宣仲王曰常郭伏生作

寶窟幽僧借竹房，薰籠茗椀坐繩牀。
夜長何必求歸夢，東雨疎燈話故鄉。
寧藩中尉貞幹先生謀埠

謀璋字懋儀以中尉攝石城王府事孝友端直東修自好理藩政積三十
年墮戶讀書絕綺紈解牘之奉貫串經史博覽群籍通曉本朝掌故明興
以來宗支繁衍諸王子孫好學修行比西京之劉向者周藩睦樸之後未
有如懋儀者也著書百有十二種皆手自繕寫稿至數易未嘗假手小胥
辨論古今傾倒腹笥黃貞父爲進賢令投謁抗禮劇談久之遂巡改席次
日遂北面稱弟子人兩稱之易簣之前猶與諸子說易分夜不倦有星光
大如斗墜里中棲鳥皆悲鳴越二日而逝南州人士私謚曰貞靜先生子
八人統銀統翎統鎗統符統鐔統鉦統鑿統鑽皆賢而好學時人有元凱
之目公留心史事常詒書告余二百年來尚無成史非公誰任此者吾老
矣粗有纂述多所是正願盡出其藏以相伙助以繕寫經歲卷帙弘多餘于
令爲余邑子屬以相寄令酒人也儻其書而焚之至今念之猶有餘恨嗚
呼豈知三十年來石渠著作之暑遂改而爲河東之野史亭乎覽貞靜之
詩追念其墜言爲泫然流涕者久之

贈康侯弟

羨君三十早登壇電戟霜戈走筆端秀句驚人時曼玉清言對客總如蘭

題迴酒頌非緣醉賦就郊居肯借看幾度西堂春艸夢殊令康樂作兄難

訪康侯弟郊園

郊居絕似沈休文戢羽藏鱗遠世氛堂下紫蘭新過雨檐前綠樹半侵雲
酌來茗飲多清韻講到畫書得異聞不爲愛閒能到此祇緣累月惜離群

題黃貞父玉版居

爲訪蓮花漏因成玉版居攢峯開步障古木架精廬將客青霞上論文紫
月餘一端蕭散意猶作換鵝書

豫章王孫謀習

謀習字公退初字康侯寧藩之王孫也少而英敏讀書修辭踵夢儀之後
塵結廬蛟溪在龍沙之北躬畊賦詩郊居畊釣之作詞指婉約有唐溫許
宋陸游之流風已而才名蔚起頗事干謁好游於邦君大夫公族群結白
簡疑公退中之構訟波及牽連數載乃得解出游金陵吳越詩篇日富遂
不復進崇禎中刻蕪城中車二集率率塵坌如出兩手人言詩以窮工而
公退以窮退殊不可解也兵後未知所終錄其詩以存之

甲寅春日江村卽事三十首錄十二首

北郭携家野岸東。山猿出檻鶴辭籠。朱門華屋身先避。白石清泉計未窮。
子已哀鴻空宇。犬妻能借隱。亦如鴻親知。莫訝林扉遠。只隔輕帆十里風。
一曲清江舊艸堂。野人原自愛滄浪。豈因俸薄輕中壘。敢謂風高臥上皇。
雨後看山初掃徑。日斜臨水更移牀。門前欲種桃千樹。看取花枝過短牆。
隱囊紗帽燕居時。草閣疎簾對曲池。松待晴雲梳短髮。梅經凍雨折高枝。
沙禽自濯鳧翁沒。水獺方喧烏賊知。落日郊原看野色。綠波春浦怨江離。
沙明水碧映郊墟。地近先人墓下廬。礪冷露蘋香易薦。林喧風木恨難除。
泣殘易鳥山原靜。臥去麒麟石薜疎。野莫歲時經伏臘。邨中來往有柴車。
水市沙墟地更偏。卑棲無用買山錢。荒厨慣乞漁家火。行李時登估客船。
缺柱江聲連野郭。香爐雲氣隔湖天。游踪到處堪經月。豈待男婚女嫁年。
自喜幽居耳目清。閒中歲月與天爭。占風網客知魚信。較雨田家驗鵲聲。
梅潤上絃琴。緩柱艸香侵局奕。開杯沙邊引步看流水。何處昏鐘報曉晴。
農家月令重陰晴。每看春圖記五行。稻圃雨多嫌穀印。麥田風最怯清明。
占鳥舊信江南俗。叱犢時聞谷口聲。村市朝來競簫鼓。朱幡使者遠催耕。
一月愁霖惟伏枕。空堂破榻擁青綾。春深壠坂難停策。晏起隣家始挂罾。

艸長宜男憂未解鳩聞逐婦恨偏增落花誰埽門前路乞食遠過五老嶺
綠水園亭白版扉輪蹄出郭到應稀江雷乍殷龍兒長社日初晴燕子飛
飯熟東田觀午饑酒香西舍典春衣長堤何處無芳艸莫怨出中客未歸
山靜江深岸擁沙晴絲百尺裊空斜荒邨小犬朝隨汲閒院遊蜂晚報衙
病後僧貽廬嶽杖雨前人寄幔亭茶竹烟新瓦南牕下自煮洪崖石乳花
晚晴閒出辟蘿門江漲新添野水渾山映春旗沽酒市沙埋破舫打魚秋
棟花開後過風信竹籜飄時帶雨痕漂母相逢應見問淮陰城下舊王孫
江邨負郭坂田多田舍風光艸樹和孤鳥立殘牛背雨小魚吹散鴨頭波
買山恐被高僧笑擊壤閒聽老父歌猶幸代耕餘薄祿門無符吏夜催科

五言今體詩二十五首 錄十首

江邊一馬地遙出北壇門蕭寺沙侵岸陶家火隔村半峰藏小閣獨樹映
高原身外叨卑祿畊桑亦主恩
五畝闕畊罷童丁力更饒谷暄分虎茨溪暖種魚苗梅旣一村雨芹泥三
尺潮往來乘小艇因斷竹西橋
艸市舍東陂涼陰散步時談星厭瞽史誦字謔村師舊谷買山杏新房摘

水芝每過橋道石半是塚前碑

南溪種圃處風雨日淒清老樹作人語嘉蓮同佛名蠶絲籬落長蝸角土

垣生蕪穢今難治何勞拊缶聲

郊野秋多熱空林散髮還長悲雉堞下未見馬蹄閒竹露暫停扇松風且

掩關鑠金非赤日衆口滿人間

終日雲林下圖書隱几中天容一身拙世忌兩眉工雀散稻田雨蟬鳴柳

巷風相過無約束白首灌園翁

城郭歸來遠山齋閉晚烟窻蟲浮研水壁鼠敗琴絃舊社書堪借寒宵燭

可然布裘霜氣入未疊木花綿

短景郊墟暮林間反照黃田功歲已畢紡績夜初長月暗津橋樹風高野

浦檣竹廊書牖下時透一燈光

求試未逢年潛鱗恰在淵窻明西礪雪門枕北谿泉兔角龜毛語鼠肝蟲

臂篇細叅紺帙富一榻坐須穿

野曠孤扉靜村寒雨雪多牛閑牧豎臥犬吠里胥過落落朱門夢寥寥白

石歌茅簷候晴日竹裏綻農箋

送僧游紫蓋後入西粵以下萬曆丙辰至天啓初年作

往嶺行踪遠東嶠定幾年破頭山下寺斷臂雪中禪乞食依蠻店焚香上客船匡廬僧院在門閉虎溪泉

春日同無垢兄酬履直諸兄弟見訪

郊垌數椽屋兄弟隱相依誰鼓洽江棹來尋白坂扉水香蘋蕪長村冷杏花稀自喜能留客開軒有翠微

冬日同胡實美宿銘公禪室

寺外溪水落溪田如掌平門稀車馬跡林隱木魚聲行道石猶古轉經窠自明寒雲常借榻戶口有柴荆

次康侯韻

胡欽華字實美

野寺人來少門前落葉平空階書竹影靜院語松聲石瀨寒江涸霜林曉日明山僧相送罷復作掩柴荆

送皇甫處士赴西塾

養母耻干祿湖邨筆代畊經書於口授孝友在躬行開帳烟籬曉篝燈雪滿明白今隣壁鼠應怖夜吟聲

答叔山隱君

村寒不斷雪累月罷招攜茶舍隣孤寺柴扉間一溪鳧經垂釣下鳥帶落
帆啼夕望墟烟外讀書燈半圭

秋夜同醒中六淨兩上人宿大乘菴話舊

狂鷗吹夕梵溪寺是西隣始覺朱扉夢多依白社人牖驚荒砌竹檐積落
巢薪坐久語遺嘿壁燈寒燭親

李宗衍

郢曲無人和君操正始音閣書間目較池墨醉能臨態近稽中散名多李
伯禽庭花春滿檻曾倚雪兒吟

三十初度答宗兄夢儀先生見贈

終年問學愧無成落魄深藏酒肆名四壁貧來千口笑三竿臥起一身輕
雲停北渚常思友風阻西陵獨憶兄寄到新詩多歷句滿池春艸爲君生

卽席賦得霜葉紅於二月花

霜天楓葉林中色試較春風枝上花千點亂飛仍似雨一堤掩映欲成霞
水邊朱戶秋烟暝山外丹梯晚照斜却笑東皇雖有意不如青女着鉛華

柳

二十八星中有名千枝萬樹縮離情暖風拂地條初弱寒雨連空葉漸生
半倚紅亭江北岸低藏粉堞漢南城綠陰高處春光暮吹送新蟬四五聲

杏

二月燒林發絳英六街初有賣花聲黃鸝立亞高枝兩紫燕飛來小樹晴
村僻深藏沽酒旆樓高全露約簾旌年年開遍曲江寺香在馬蹄蹄處生

苔

布葉如錢箇箇青不爭要路占閒庭風前印窠移罨步雨後留蟬作篆形
生閣久榮詞客恨入碑多蝕古人銘紅英墮地交相映小展蛩然未忍停

爲得善題清華閣

臨湖閣榭曲堪凭坐得群公第一層戶外人啼初射鴨堂前客散尚呼鷹
汀花日度聞歌舫岸柳宵藏伴讀燈多暇知君向西嶺隔城山翠撲眉稜

冬日尋圖南兄山居

賈畚偶於南郭行也從別墅訪先生田間路直收紅稻林下衣香拾綠橙
手劈蟹螯延細酌身將雞肋喻浮名卜鄰欲問東家竹烟雨扶犁得耦耕

寄訊遼府用極兄

天涯何處客愁輕異國飄零見弟兄
豈乏豬肝供旅食還從牛耳訂宗盟
柳邊棹倚離亭笛花下杯殘別院筆
君入秦淮予入郢斷行時有暮鴻聲

寄其勤宗兄

落魄齊昌偶曳裾風光屈指一年餘
君延南郡沙棠檝我問東湖水竹居
兩地經春無客信三韓勞午有軍書
行吟亦抱靈均恨鼓枻愁逢楚澤漁

信皇甫翰周處士

十載鄉間至孝聞溪中白屋有徵君
雪蛟騰溜清如雨日暮爐烟淡似雲
隣積借來畊瘦壠仙禽飛下吊荒墳
寒郊我亦悲風木此痛何須灼艾分

卽事

歲在庚申兩建元江邊夜哭正銷魂
蒼梧鳳自鳴山閣青海龍猶戰島門
九族捉衿多隱怨三軍挾纜少酬恩
如何二曜更新日不與人間照覆盆

庚申除夕

東田守歲壯心驚終歲無支祿代畊魚
服避仇非浪跡蛾眉招姑是浮名
溪松戶閉雲猶冷院竹燒燈雪未晴
自莫村醪焚舊州且從山婦笑狂生

答醒中六淨見尋不遇之作

昨聞二朗過東籬是我中車入郭時公府傲多微雀角山瘠几獨閉烏皮
葉深風徑秋難掃稻熟霜田午易炊垣戶寂無童子應一竿修竹見題詩
病中呈用并兄

憶昨弟兄居接武門庭蕭寂日科頭晨炊共汲臨溪井晚渡時呼隔岸舟
帙亂雨牕搜僻事樽開月榭散閑愁祗今臥病空皮骨獨擁衾牀五月裘
有寄二首

朱樓十二倚金昌地近西施響屧廊落雁容看吳苑絕堆鴉鬢作漢宮粧
鬪棋聲出紅蕉樹按拍塵飛紫杏梁惆悵牡丹花下別春衫猶帶雨痕香
客裏歡場未寂寥芙蓉画舫白門橋瑤箏月暗聲難斷絳燭風多淚易消
歌逐鷓鴣望柳葉夢依翡翠宿蘭苕三年魚腹相思字寄與秦淮雪後潮
金陵雜詠四首丁卯白門作

石作城垣江作池三分霸業遠開基金陵白玉東南氣赤壁中焚百萬師
仁見張昭稱賀表終聞孫皓樹降旗山川寂寞英雄死有客悲歌吊黍離
中原雪擾咽胡笳江左偷安水一涯白版君王居社稷烏衣子弟擅豪華

銅駝已臥千年棘，梁燕應啼百姓家。獨有華林舊宮苑，夕陽春艸尚鳴蛙。
古寺門當雉堞橫，老僧猶指是瑩城。寒雲夜傍繚垣宿，野艸春從輦路生。
往事尚留殘碣字，流年虛送暮鐘聲。可憐張緒當年柳，萬縷烟姿圖不成。
南國金湯據石頭，千年人說帝王州。驚聞戰士屯朱雀，枉殺將軍怨白鳩。
風煖香車盈廣陌，月明絃管在高樓。傷心一派秦淮水，處處垂楊似莫愁。

舊宮詞

女牆橫截鍾山麓，子城十里空其腹。老宮監守西上門，日見官中春樹綠。
當年玉座遷北平，燕麥多從輦路生。太液烟波空吊影，未央鐘鼓不聞聲。
二百年來萬民樂，文武諸司皆臥閣。常年內庫掃梁塵，六月重門啓魚鑰。
市人身替羽林軍，偷見蓬萊五色雲。枯沼頽垣容易入，千門萬戶齊難分。
驚看埤艸潛狐兔，武英殿接西宮路。赤闌楊柳樹長生，西棟芙蓉花尚吐。
別有銅駝扉半開，人傳高后燕居來。五龍蟠結朝真閣，七寶莊嚴禮佛臺。
寂寂文牕胃珠網，至今海燕巢于上。簡口野將紫陌泥，飛身立在銅仙掌。
日暮中官點禁兵，周盛依舊閉重城。官樹鴉啼金鎖下，年年只放內家行。

金陵端招胡虛白小飲同家用升賦

避仇千里始歸來，依舊蓬門溪上開。
豫讓聲存惟友識，謝連篇詠與兒裁。
堤烟縷弱吟邊柳，浦雪花殘折後梅。
春蠶酒香魚笱賤，邀君停棹掃溪苔。

春日諸人見琴郊居

艸堂端臥郭東村，客至陶然命綠樽。
春水曲池花滿塢，夕陽隣寺樹當門。
厨烹野雁新烟出，壁落枯魚舊帙存。
各勝縱譚殊未悉，酒闌茶熟與重論。

四十賤辰志感二首

裘馬交游半五陵，歸來貧與病相仍。
誰憐徑路無媒客，不赴公車有道徵。
日落楓江垂釣艇，歲寒茆屋讀書聲。
迴看鼎俎皆朝士，獨羨鴻飛此避矰。
幾驚玄鬢早霜侵，倏忽流年四十臨。
繡虎豈無求試表，阜魚虛有養親心。
山扉夜閉雲生壑，上屋晨炊雪在林。
聞到白頭猶未卜，風波世路恐浮沈。

潘潘鎮國將軍恬院

恬院沁水莊，和王子封鎮國將軍子。
輔國將軍瑛，圻字京甫，與瑛院瑛瑒。
瑒瑛四人結社日課，以詩潘國子。
是清多才矣。

過栢谷山英上人舊居

裝裝掛壁錫，依舊空門生碧苔。
坐久不聞鐘磬响，滿庭殘月杏花開。

理圻

從軍行

日落成龍庭風多牧馬鳴平沙但衰艸百里見孤城

再逢友人

道遠頻馳夢情深祇寄書相逢俱淚下翻似別離初

內侍二人

王綱

王綱字鵬起通州人嘉靖壬寅選入司禮監讀書受業郭東野趙大洲孫繼泉三公之門歷升御馬監右監丞退閒來旨慈寧官教書詩曰禁砌蛩吟翰林李蔭爲序

籠雀

曾入皇家大網羅樊籠久困奈愁何長於禁苑隨花柳無復郊原伴黍禾秋暮每驚婦夢遠春深空遠好音多主恩未遂啣環報羽翮年來漸折磨

感遇

憶昔趨朝着紫衣官花汗沒柳依稀尋思浦口珠何在轉覺樵中鹿已非

沈約空成移帶瘦陳平自得食糴肥世間榮落真常事只在吾侪早見機

張維

張維字四維霸州人隆慶戊辰選 神廟東宮伴讀歷升乾清宮管事御

馬監太監保直禁庭奉使玄岳皆有詩記事內垣退食地有竹數株 神

廟賜御筆題之曰蒼雪齋詩遂名蒼雪齋稿

鸚鵡款

惟悴君家歷歲年翠襟蒙寵自須憐能言肯信真如鳳鈎喙應知不類鴛
千里雲山迷隴樹幾回魂夢繞秦川稻梁未必虛朝夕直為樊籠一惘然

蛙

熟梅天氣雨初收何處蛙聲隔水樓鼓吹讙嫌驚好夢公私誰為亂閒愁
薰風候已違花信碧艸涼應動衣袂赤鯉聞雷筆變化滿能燒尾躍雲不

蠅

呼朋引類競紛然入我房樞擾書眠鼓翼有聲喧耳畔側身無賴簇眉邊
頻驚栩栩南柯興始信營營止棘篇揮汗未能操詠筆任他長劍逐堂前

戲題開促織

自離草莽得登堂賢主恩優念不忘飽食甕城常養銳怒臨沙壑敢摧強
敵聲夜振猶仍奮壯氣秋高齒漸長眼底孽餘平剪後功成誰復論青黃
青衣三人

李佶

佶扶溝人蚤年供青衣之役年三十始折節讀書詩成一家言士大夫體重之

江行不懷

醉起意不盡江邊尋杜蘅折來何所寄游子在西京一別三春晚窮年百
慮生日斜空悵望一水隔盈盈

送李山人赴趙府兼寄謝茂秦

俱是淮王客高攀桂樹叢朱門投趙璧綠酒醉春風雁盡江花老人歸海
月空離情兼別意鄴下白頭翁

李英

李英字少芝以青衣給事南海歐楨伯遂能爲詩士大夫與楨伯游者皆
知李生詩愛而傳之天目山人讀李生詩有句云能詩況在方回上總主
宰言頴士非無錫俞憲曰計有功唐詩紀事三百餘年詩人千一百五十

家而末卷有僕二人一爲咸陽郭氏捧劍之僮一爲池陽刺史戟門門子
朱元余輯盛明百家詩僅得李英一人可以爲難矣

臨江趙陸過瑞州馬上晴望

舍舟蕭水驛程催遙望西筠霽色開一片鄉心幾行淚楚天無數雁飛來

夜過張氏諸子館

天涯同作客良晤每難期星聚逢今夕風流自一時禁烟籠樹密海月到
意遲對酒吟芳景還憐碧柳絲

十月京師紀事

蕭關風急馬頻嘶四塞河山動鼓鼙獨立高堂望烽火胡笳多在薊門西
雪後過訪林氏諸子因留飲

歲晏憐羈旅君過竹林梅花殘雪夜杯酒故人心鴉冥迷官樹雲愁斷
塞砧相看能一醉誰復問黃金

歲暮旅懷

天涯留滯歲將除短髮蕭條歎客居楓葉共飛游子夢梅花不見故人音
雲浮關樹千山盡夕照江烽萬里餘回首旗亭心更遠每看征馬一踟躕

送鄉友南還

楊柳霏霏鎖綠陰，
薊門春盡落花深。
琴尊美酒能雲臥，
書劍憐予尚陸沉。
萬里河山游子夢，
中原涕淚故人心。
別來握手知應早，
預想秋期在竹林。

愁思

曾是滄洲舊釣徒，
西風落魄寄江都。
望中故國千山阻，
別後經年一字無。
庾嶺烟霞秋思遠，
楚天風雨暮帆孤。
誰憐飄泊他鄉客，
不為尊鱸滯五湖。

同李時芳游大慧寺

幽期出郭俯蘭皋，
野寺雲邊共法曹。
白日西飛素樹杳，
清秋南望楚天高。
書遙故國愁烽火，
客久中原有佩刀。
莫動鄉心且沉醉，
風流誰道五陵豪。

馬來如

馬來如內鄉人，
李翰林子田之僕也。
子田內鄉詩選載其詩八首，
有爲主人稱壽及送郎君省試之作。

謝南陽王大人以手札見訊兼有巾箴之惠

一行錦字墮雲邊，
爲問山中阿對泉。
老景適來渾似寄，
風情別後儼如仙。
空江月冷生幽夢，
陋巷春遲暮曉烟。
巾箴有如瓊玉重，
幾回東向泪潸然。

江上懷吳下人朱侍山久驛均陽

江州江花騰吐芳，
君何事滯均陽？
有懷空寫愁邊句，
無伴同傳旅次觴。
雲暖探奇凌翠巘，
風平鼓棹泛滄浪。
逢人爲報家鄉信，
吳客而今作楚狂。
備書一人

谷淮

谷淮字文東，
秦中賈人子。
客于淮揚，
備書揮而秀，
頗好博覽，
兼善音律。
昉文徵仲書法，
給事澄江張學士家，
無錫顧起綸列其詩于國雅。

寄遠

瓊花臺上雨初收，
黃嶽山前水急流。
莫道別來鄉國異，
南江愁是北江愁。

病中

一貧成病竟年年，
愁入蒼茫歲暮天。
客至擁衾聊起坐，
冷風吹雨濕牀前。
無名氏詩

郊居生銅仙辭漢歌

楊廉夫手書郊居生金銅仙人辭漢歌一卷，
跋云：予謂此歌，
小李絕唱，
後萬代詞人不可着筆。
此生膺天而有是作也。
呼天籟裂地，
維禹定天。

神明臺些茂陵鬼六宮火城劉郎死芙蓉仙掌驚高秋雄雷掣碎銅蛟髓
魏宮移盤天日昏車聲麟麟繞漢門缺肝苦淚滴鉛水石馬尚載西風魂
青天爲客驚曉別天籟啼聲地維裂銅臺又折當塗高夜夜相思滑城月
和胡學士牛首從游之作

寺外山岩石徑斜岩中開士似丹霞心涵水月空諸法坐對寒岩落一花
清夜潮青翻貝葉當時雲氣護袈裟匆匆遙望知難覓歸騎聯翩擁翠華
廬陵陳少傅輓詩 成化四年

莊靖先生始蓋棺薤歌聲裏路人歡填門客散恩何在負郭田多死亦安
鹽海已無前日利冰山誰障舊時寒九泉若見南陽李爲報羅倫已復官
正德中朝士

上長沙相公詩

陳子長沙相公詩見此詩感而去位

才名少與斗山齊三考中書日已西回首湘江春艸綠鷓鴣啼罷子規啼

玉山道者還家詩

春色闌珊四月天數聲啼鳥落在前荷知有燕先擊蓋柳爲無寒漸脫綿

題宣和画石榴

金風吹綻絳紗囊零落宣和御墨香猶喜樹頭霜露少南枝有子殿秋光

題松雪画馬

寒馬肥時苜蓿枯奚官早已著貂狐可憐松雪當年筆不識檀溪寫的盧

題画

秣陵周暉曰客有投余画山水一幅不書名姓不用私印戲以二十八字藏其姓名定有知之者

結宇蕉陰桐徑邊浮名無用世間傳高情剩有閑中趣寫出青山不賣錢

西湖八景詩 錄二首

冷泉猿嘯

冷泉亭下北山陲曾見雌雄共引兒慣聽山僧朝說法能隨木客夜吟詩
松坡日暖人游後蕙帳風寒鶴怨時惆悵遺音無處覓竹鷄啼老野棠枝

浙江秋濤

怒捲西風勢未休滔滔何處覓安流青山隔岸分吳越白浪排空混斗牛
鐵箭有靈來昨日素車遺恨已千秋晚來試倚樟亭立楓葉蘆花滿眼愁

瀟湘八景詩

錄四首

瀟湘夜雨

長空冥冥雨飛急
坐我扁舟浮夢澤
湘水風生萬竅號
昭潭雲起千山黑
旅魂寂歷秋燈明
耳根已熟江湖聲
人生多憂亦多情
中宵白髮滿頭生
洞庭秋月

織雲不動金波浮
玉浮萬里開清秋
青山一髮渺無際
天影落鏡星河流
中流無人萬籟寂
夜深往往魚龍出
何人長笛在扁舟
水遠天長露華白
漁村落照

湘江雨歇湘山明
千邨萬落開新晴
急持襪襪挂屋角
時聞款乃煙中聲
烟中日影交凌亂
晚霞一抹斜陽岸
網得鱸魚不入城
柳外旗亭酒堪換
平沙落雁

荒陵日落沙清黃
新霜十里菰蘆蒼
蒼沙平水落雲影薄
雁飛漠漠江茫茫
江寒天遠西風急
沙上霜晴爪痕濕
月明不怪雁奴驚
江湖何處無續噉
盤山石刻

盤山高巍幾半入
青雲裏中間最上峯
更向天邊起行行
白石崖六月不

知暑

薊州桃花寺壁詩

舊有桃花樹人呼寺故云石危秋尊上灘違夜僧聞汲井連黃葉登臺散
白雲燒丹勾漏今無處不逢君

銀山

銀山本在北萬丈青雲梯曉見居庸雪銀山忽在西

高平碑刻詩

弘治間澤州高平縣廳事後掘地得碑有艸書絕句額傍並無題識
載酒欲尋江上月出門無路水交流黃昏悶倚東風立看去東風獨地愁

石空山寺題詩

寧夏中衛

疊嶂嶺瓏竦石空誰開蘭若碧雲中僧閒夜夜燃燈坐遙見青山一滴紅

祈澤寺詩

盛仲交游祈澤寺從佛龕中得弊紙上書一律末云友人褚傾呈雪庭
法師座前洪武辛亥暮春書不知金陵何人也

研池漪座落花香墨透纖毫染漢章
研池漪座落花香墨透纖毫染漢章
研池漪座落花香墨透纖毫染漢章

杯浮野渡魚龍遠錫振空山虎豹羸幸對爐烟坐終日煮茶清話得徜徉

南潯祇園寺贈老僧

陽文

清溪通笠澤地以水為鄉竹青三日雨僧白一頭霜

庵壁詩

嘉靖中湛甘泉霍渭厓在南都折段庵觀豹朝衙營中小庵有尼題一

詩云

詩云壁或云尼名覺清

急忙簡點破袈裟收拾行囊沒一些袖拂白雪歸洞口肩挑明月逸天涯
可憐松頂新巢鶴却負籬根舊種花再四叮嚀猶與犬休教流落俗人家

雲陽爰書詩

萬曆間丹陽龐令緝獲輕俠少年丁邦相搜得二詩於篋笥中爰書指

為反詩以前詩有他日東南報奇事也須杯酒拜明霞之句也此詩似

女子贈別之作

長河銀漢兩漫漫今夕夫君共木蘭一道風沙憐弱質千秋意氣訝銜冠
白鷗遠沒汀洲晚絳燭高燒子夜關此去封侯君事畢紅顏還作白頭看

集句詩

孫典籍贊

朝雲集句詩七言律詩十首

家住錢塘東復東偶來江外寄行踪
三湘愁鬢逢秋色半壁殘燈照病容
艸骨已成蘭麝土露華偏濕蕊珠官
分明記得還家夢一路寒山萬木中
妾本錢塘江上住雙垂別淚越江邊
鶴歸華表添新塚燕蹴飛花落舞筵
野艸怕霜霜怕日月光如水水如天
人間俯仰成今古祇是當時已惘然
三生石上舊精魂化作陽臺一段雲
詞客有靈應識我碧山如畫又逢君
花邊古木翔金雀竹裏香雲冷翠裙
莫向西湖歌此曲清明時節雨紛紛
東望望春春可憐江籬漠漠荇田田
遠籬野菜飛黃蝶糝徑楊花鋪白毯
雲近蓬萊長五色鶴歸華表已千年
夢回明月生南浦淚血染成紅杜鵑
浮雲漠漠艸離離淚濕春衫髮脚垂
秋水爲神玉爲骨芙蓉如面柳如眉
鐘隨野艇回孤棹蟬曳殘聲過別枝
青塚路邊南雁盡問行何事到天涯
身前身後事茫茫惱斷蘇州刺史腸
懷帶玉環啼後洞君騎白馬傍垂楊
鶴群長遶三株樹花氣渾如百和香
慚愧情人遠相訪爲山憔悴却羞郎
孤月無情掛翠巒金爐香燼漏聲殘
雲收雨散知何處鬢亂釵橫特地寒

去日漸多來日少別時容易見時難明朝有約誰先到青鳥殷勤爲探看
杏花疎雨立黃昏金屋無人見淚痕短髮欲星愁有妙此身雖異性常存
關門不鎖寒溪水環珮空歸月夜魂倚柱尋思倍惆悵夜寒絳玉倩誰溫
萬紫千紅總是春登臨一度一思君舞低楊柳樓心月香濕梨花臺裏雲
風景蒼蒼多少恨陰蟲切切不堪聞思君今夜腸應斷書破羊欣白練裙
零落殘雲信黯然一身憔悴對花眠南園綠艸飛蝴蝶落日空山怨杜鵑
天若有情天亦老月如無恨月長圓此聲腸斷非今日風景依稀似去年

集句七言絕句詩一十二首續初體詩三首

舞衫歌扇舊因緣萬事傷心在眼前雲物不殊鄉國異天桃窻下背花眠
烟籠寒水月籠沙誰信流年髮有華燕子啣將春色去夢中猶記詠梅花
青山隱隱水迢迢客夢都隨歲月消惟有別時今不忘水邊楊柳赤欄橋
杜陵寒食艸青青長蒲金剛般若經雨冷雲昏吊仙客夢中同躡鳳凰翎
遠水寒山石徑斜宮前楊柳寺前花紅顏未老恩先斷莫怨東風當自嗟
與君別約記杭州山外青山樓外樓屈指別來經幾載愁心一倍長離憂
旅館寒燈獨不眠湘波冷浸一枝蓮何時最是思君處月落烏啼霜滿天

欲寫愁腸媿不才
依稀猶記妙高臺
問余別恨知多少
巴蜀雪消春水來
紫烟衣上繡春雲
一樹繁花對古墳
辛苦無歡容不理
半緣修道半緣君
春愁冉冉帶餘醒
珍簾銀牀夢不成
知子遠來應有意
酷憐風月爲多情
光陰卒卒一飛梭
怨入東風芳艸多
舊枕未容春夢斷
秦霄楚雨暗相和
身前身後思茫茫
秋菊春蘭各吐芳
慚愧情人遠相訪
爲郎憔悴却羞郎
白袷玉郎寄桃葉
金鞍駿馬呼小妾
翠眉蟬髮生別離
南園綠艸飛蝴蝶
野棠開盡飄香玉
細柳新蒲爲誰綠
綠忽忽窮愁泥殺人
逢人更唱相思曲
盟塘嘈嘈十二灘
送船明月江水寒
欲隨郎船看明月
遊絲落絮春漫漫

附西庵記事一百韻

洪武庚戌十月五辛孫仲衍泛舟游羅浮道出合江訪東坡白鶴亭遺址還艤舟西湖小蘇堤下夜宿棲禪寺寺南有朝雲墓仲衍徘徊憑吊悽然冥感因言僧寺東廊壁間有集句詩十首後書羅浮王仙姑月夜有感而作又云夢一女子自稱蘇長公安朝雲又歌集古詩十五絕句鄭重囑付云云其實皆仲衍自爲之也其記事詩序云悼粉香之零亂寫漠漠之幽姿竊高唐雜神之意爲詩記事非獨慰雲亦以自悼則託

寄之音序可知矣

思斷蘭臺路愁填濯錦川前
好清楚會金谷狹斜聯少負傾城譽名居
弄玉先十三工寫月二八擅韶年束素官腰怯凝脂國色鮮倚風楊柳
弱笑日海棠嬌跳脫綠籠腕琵琶重安肩塗黃勻漢髻安寫破秦鉛綠
水酣潘岳紅顏惱蕪賢流霞紅錯落嬌燕掠鞦韆舞壓梨園社歌翻樂
府編彩雲生袖底璧月隨樓前鏡掩三星曙春隨五馬鸞青樓亂女伴
瓊珮挹詩仙蛾炬催傳賜易絲待艸玄姆姳驚世外風度蓋唵邊霜撲
杲思画陰橫粉署塲逆鱗天咫尺垂翅路三千簫滅蛾眉翠筆斜蜀國
絃武林牽北望庾嶺入南遷白鶴峯千尺黃茅屋數椽練裙恭般若形
管榻張麟蜜餽調蘇合邊爐淪海膺斷霞丹荔喚晴雪素馨田妾命真
成薄耶行底未旋塵紫纓落串珠驪步搖鈿往事腸堪折殊方瘴莫痊
娃童占吉卜隣媪訪沉綿楚峽深秋氣羅浮澹曉妍巫陽招古些卞女
泣新阡海氣籠翹鳳嵐光濕鬢蟬封囊留粉恨長帽斷塵緣隴樹含悽
綠經文帶淚鐫雪兒低鶴馭雲母凍龍涎桃葉僧前渡梅花夢裏天蛾
旋三昧火鸚吊六如禪入道應偷藥凌虛想步迎浴蘭衣淨土遺珠贈

靈芥天路雲和峭。瑤池脉望圓。迴響珠斗沒。驚龍玉繩編。木落山精笑。
苔平石獸眠。香雲啼子夜。慧魄悶重泉。絡緯停寒索。飛簾捲夕旃。譜餘
蘇小曲。書暗薛濤箋。亂緒紛團結。新知永棄捐。屏幃空孔雀。衾繡冷文
鸞。清吹群真下。叢林積水連。幽扇螢擾擾。舊業神芊芊。巴舞陳椒醕。吳
歛裂楮錢。覓裳飄蜀雨。班竹點湘烟。暮雨從渠濕。春冰敢自堅。縞衣迷
故國。華表豎層巔。白紵行人唱。銀缸傍舍懸。芙蓉羞爛熳。蛺蝶舞聯翩。
繡壤過蘇小。釣欄鎮阿甄。紅顏多蹇劣。清涕莫潺湲。在世誰非幻。鍾情
我獨憐。微生同坎壤。幽思久嬋媛。禁闈初通籍。儒林早備員。詞華疊五
鳳。幃帳飫三鱣。眉月端如画。丰姿美且鬋。鑿坡披奏牘。馳道控飛駘。雅
譽傾詩輩。清流冠吏銓。賓筵陪有客。羽獵賦于畋。綺席延枚叟。蒲車屈
鄭虔。天顏却下顧。雲路快高騫。昔似冲霄鶴。今如踏水鳧。九關嚴虎豹。
千楚落鸞鷄。拜命沾三宥。歸耕困一廛。壯心徒激烈。長袖幾翩翻。倦泛
張琴極。虛響李膺弦。古苔封片石。荒樞臥雙驂。艸萋臨丹壑。柴扉枕碧
澗。奚童開雀網。稚子縛魚笮。白石潘郎髯。青燈子敬燈。哀箏開綠蟻。雄
劍搏烏捷。雨露從枯稿。山林且靜便。朝真探玉訣。觀妙解名詮。丹陽圖

龍虎玄龜下湖。濕屋頭杉隱隱。庭下竹涓涓。薜荔裁秋服。楓香當晚饌。
關元存太乙。文火養純乾。七夕邀金母。三山候偃佺。醴泉清似玉。瓜棗
大如拳。老去渾無賴。憂來獨惘然。有懷通尺素。何計索筵尊。孤况憑誰
問。冲襟待子宣。逆飄知惹苦。藕斷識絲纏。慘淡黃姑渚。玲瓏織女腰。交
疎期屢爽。謀拙去何遙。西餅文章貴。嬰兒造化權。寧勞蹇短褐。端合掩
真詮。病骨相如在。夢心來玉傳。韓憑春寂寂。杜宇月娟娟。邂逅時將晚。
淹留景莫延。流星光曉霽。雄電動連蜷。艷態千秋隔。羈腸百慮煎。錦鞋
空薄幘。縫節映重淵。洛浦凌波襪。西湖卷画船。佳人不可見。長誦法華
篇。

李布政植

月下彈琴記集句詩 二十首

事見剪燈餘話。託宋李永新譚館婦魂游舊鄉感述今昔之辭

花壓欄干春晝長。唐詩清歌一曲斷君腸。唐詩雲飛雨散知何處。唐詩

天上人間兩渺茫。宋詩已託焦桐傳密意。宋詩不將清瑟理霓裳。宋詩

江南舊事休重省。宋詩桃葉桃根盡可傷。宋詩

宋詩 餘 桃葉桃根盡可傷 宋詩

魂歸滇漢魄歸泉三體朱却恨青娥誤少年鼓吹無自是桃花貪結子唐

王建只應梅蕊故依然詩統陳風流肯落他人後唐李哀樂猶驚逝水前故

許渾何事黃昏尚凝睇鼓吹孤燈挑盡未成眠唐白樂

寒蛩唧唧樹蒼蒼三體李城上高樓接大荒鼓吹千夜漏聲催曉箭唐

補六街晴色動秋光鼓吹張滿庭詩景飄紅葉陶詩此地悲風愁白楊唐

唐李舞袖弓鞋渾忘却美人詩人間惟有鼠拖腸宋歐

雲想衣裳花想容唐李青春已過亂離中唐房力名富貴若長在唐李

得喪悲歡盡是空飛唐聽裏日光飛野馬鼓吹巖前樹色隱房櫺唐王

身無彩鳳雙飛翼商鼓吹李油壁香車不再逢詩統

應笑無成返薜蘿明鼓吹年年惆悵是春過鼓吹時攀芳樹愁花盡鼓

飛寒戀重衾覺夢多唐桂嶺瘴來雲似墨鼓吹蜀江風澹水如羅羅

唐音溫人生富貴須回首唐世事無幾奈爾何鼓吹不將脂粉澆顏色唐

家在寒塘獨掩扉唐高情雅澹世間稀鼓吹離魂潛逐杜鵑飛杜

甫惟恨緝塵染素衣詩統歸目併隨回雁盡鼓吹

鼓吹東風吹淚對花落鼓吹惆悵朱顏不復歸鼓吹

鼓吹 東風吹淚對花落 惆悵朱顏不復歸

有時顛倒着衣裳唐詩杜萬轉千回頰下牀唐崔艷骨已成蘭麝土日鼓吹皮

蓬門未識綺羅香鼓吹素漢朝冠蓋皆陵墓三體曹魏國山河半夕陽鼓吹

滿眼波濤終古事鼓吹薛離人到此倍堪傷鼓吹羅

一寸相思一寸灰鼓吹李且將團扇暫徘徊音王月明古寺客初到鼓吹

風靜寒塘花正開鼓吹劉綠水青山雖似舊鼓吹紅顏白髮遞相

催鼓吹薛無情不似多情苦草堂晏肯信愁腸日九迴鼓吹

形容變盡語音存詩統薛地變難招自古魂鼓吹韓閉結柳條思遠道詩

欲書花葉寄朝雲鼓吹李曉殘夜月人何在鼓吹胡樹蕪蕪香鶴共聞

烽火年年報虜塵三體李每回回首卽長嘔鼓吹李明眸皓齒今何在杜

異服殊音不可親鼓吹楊幾樹好花閑白晝鼓吹吳數株殘柳未勝春

狂風落盡深紅色唐杜水遠山長愁殺人三體李

絃管遙聽一半悲鼓吹司羅衾滴盡淚臙脂音可康鳥啼花落人何在鼓吹

節去蜂愁蝶未知三體鵬上承塵纔一日三體許雪殘鳩鵲亦多時

綠雲斜軆金釵墜草堂獨立蒼茫自詠詩唐詩

南詩社

烟郊四望夕陽曛尚美吹陳世路干戈惜雙分商隱吹李內屋金屏生色画唐

李粉霞紅綬藕絲裙唐賀音蒹葭浙瀝舍秋雨宗故元吹柳銅雀荒涼鎖暮雲吹

溫飛舊業已隨征戰盡唐音獨留青塚向黃昏唐音

愁心一倍長離憂三體李到處明知是暗投谷詩吹鄭雨盡香魂弔書客唐

續夜深燈火上焚樓子詩統劉山中老宿依然在東詩統檻外長江空自流唐

班明月易低人易散東詩統寒鴉飛盡水悠悠維詩

葉滿苔堦杵滿城兩詩吹虛登高望遠自傷情洪武元唐瓊枝璧月春如

昨草堂張冰簟銀牀夢不成唐溫往事悠悠增浩歎薛能吹清愁冉冉帶餘

醒宋薛豈知一夕秦樓客唐音腸斷綠荷風雨聲唐音

芙蓉肌肉綠雲鬟唐音泣雨傷春翠黛殘唐音王吹管樓臺人寂寂宋王

山川龍戰血漫漫胡吹千年別恨調琴懶用吹幾許幽情欲話難薛是

詩回首舊游真是夢東詩統寒潮惟帶夕陽還唐皇甫

一見清明一改容鄭吹每驚時節恨飄蓬三體風塵荏苒音書絕唐杜

人物蕭條市井空張必吹荒墟暗鷄催曉月介詩統王野花黃蝶領春風唐音

初玉環飛燕皆塵土孫草堂辛只有襄王憶夢中唐音

處處斜陽艸似苔韓偓野塘晴暖獨徘徊韓偓侍臣最有相如渴李商隱欲

賦慚非宋玉才唐飛卿絃管變成山鳥弄李商隱羈廊空信野花埋李商隱

休情知到處身如寄唐詩士莫遣黃金漫作堆張祜長疑好事皆虛事李商隱

落落疎星滿太清唐光義寒江近戶漫流聲唐詩休將文字占時

名宗元秋來見月多歸思唐詩且盡醺醺消積恨唐詩

繞門清槿絕塵埃韓偓白石蒼蒼半綠苔許酒力漸消風力軟東坡

桃花淨盡菜花開唐詩一泓海水杯中瀉唐詩萬里銘旌死後來張祜世

上英雄本無主唐詩爭教紅粉不成灰唐詩

門前不改舊山河唐詩蓮渚愁紅蕩碧波許墜葉飄花難再復唐詩

浮雲流水竟如何商隱魚龍寂寞秋江冷杜鴻雁不來風雨多唐詩

窮巷悄然車馬絕唐詩磬聲深夏出烟羅唐詩

陳山入言

言字于庭甫田人以布衣老于家專工集句每有贈送唱酬先問集何句
用何體取諸腹笥不待簡閱成化間錢塘沈行亦工集句有梅花雪詩宮

詞各百首詞多叢雜不若言之渾成也當如宋人剪綃集例孤行之以備詞家之一體

放歌用鄭少白韻

一百五日又欲來離千樹萬樹梨花開參眼看春色如流水離人生相命亦如此進嘯百年三萬六千朝建倏忽須臾難久恃照君不見十八羽林郎李君王手賜黃金鐙張日晚朝迴擁賓從崔片言出口生輝光李一朝負遺辭丹闕成窮巷悄然車馬絕杜舞影歌聲散淥池白遺墟但見狐狸跡高當時一旦擅豪華王見此空為人所嗟孟浩莫向尊前惜沉醉莊參差辜負東園花張謂

過坤上人居

野寺夕陽邊寒香林坐入禪陳子龍宮連棟宇王世界接人天李寶葉文香雨宋之鮮雲抱石蓮王浮名竟何益裴心賞獨冷然沈佳

折楊柳

裊裊城邊柳張仲相思幾度攀王賓不嘖復不語薛維長望歎長歎魏露葉凝愁黛盧照垂條拂鬢髮崔落花相與恨韋承不斷若連環李角

月夜江樓聞笛

陳子別家經年孤身千里撫月色之凄清感笛聲之悲惋悵然集語用寫羈懷

樓前澹月連江白風庭樓底誰家吹玉笛揚笛聲憤怨哀中流杜一夜愁

殺江南客終江南萬里不歸家揚空掩柴扉度歲華賦元雙淚別來猶未

斷頭非那堪又聽落梅花僧機

題張應雀郊居

曲徑幽人宅李藩籬插槿齊劉長裁衣延野客魏分食卷山鷄建古木生

雲際陳子迴塘繞郭西僧皎寂寥人境外魏何事武陵溪張謂

出塞曲贈林叅軍

入幕推英選李論兵邁古風杜卷旗收敗馬盧鏘珮揮群公司紫塞金

河裏沈天山弱水東都晚風吹画角陳子殘日讓胡弓許廟畧占黃

氣羅精神貫白虹王丈夫期報主都看取寶刀雄高適

攜歌者訪方氏不遇

白日移歌袖杜空齋不見君岑蟻聲中谷應蘇人語隔溪聞許斷壁分垂

影然皎迴沙擁籟文班無人知所去
紅葉下紛紛

病中寓秦溪

病多慵引架書看
譚用雙袖龍鍾淚不乾
終世態炎涼隨節序
士人情
反覆似波瀾
紅溪風送雨過秋寺
寒山鳥將雛傍藥欄
越同學少年多不
賤
杜前獨將衰髮客秦關
盧

題天台圖寄懷林介夫

錦瑟驚弦破夢頻
薛商無因重見玉樓人
游鳥啼雲竇仙娥靜
彷彿夢入天
白石路新磨芍藥比容花
比貌
錢暖烟如粉艸如茵
杜人間只道三山遠
幸猶隔千山與萬津
紀

兵後高郵道中寄懷鄭平山問丞

自憐羈客尚飄蓬
李商故國荆扉在夢中
籥笛怨柳管烟漠漠
元馬嘶
山店雨濛濛
韓風塵荏苒昔書絕
杜人物蕭條市井空
張珍重仙曹舊知
已
之用
不知閑醉與誰同
杜

感舊

岐路三秋別
悠悠關復何
嫩教
今來數行泪
元泉下故人多
白居

賦落葉送別

落葉亂紛紛劉長卿林間起送君無還愁獨宿夜韓愈孤客最先聞劉禹錫

豔曲四首

鬢雲斜暉鳳釵橫蘇軾偷折花枝傍水行花蕊夫人更有惱人腸斷處蘇軾旣慢回嬌

眼笑盈盈張翥

金鳳釵頭逐步搖羅虬花如雙臉柳如腰顧夐最憐長袖風前弱崔液拽住仙郎

盡放嬌和

金鋪閑掩繡簾低毛熙震輕打銀箏墜燕泥孫光憲憶昔花開初識面歐陽脩

屏無語蘇軾撫雲篔簹蘇軾

輕髮紫梳開回肩鞦韆翹浮動玉釵垂醉來咬損新花子和繞樹藏

身打雀兒王建

觀麗人走馬

玉鞍初跨柳腰柔花蕊夫人嬌眼如波久李太翠袂半將遮粉臆光掉

鞭橫過小江樓王建

上金山寺集元句

淵鰲屹立戴崔巍釘雀此地曾經幾劫灰寶藏虎歸風撼樹縹碧潭龍

水生首賦雲移塔影橫江口陳船載鐘聲出浪堆豔獨倚闌干飛

外揚不知身世是蓬萊張

送人入蜀以下集明句

昭曉高閣倚巖阿瀟瀟把酒相看奈別何灑寒色漸經巴峽路周雨聲微長

楚江波狂滄洲別業驚蓬斷林白髮流年倚劍過淵他日相逢又何處林

眼中知已漸無多岳

弔岳墳用壁間韻

金牌十二詔班師森痛飲黃龍願竟違詭萬里靈輿終北狩橫千年松柏

尚南枝藜雨荒孤塚埋金劍搬雲鎖空山暗鍊衣森莫向此中多感慨

五陵衰艸正離離金寒

春思

珠箔上銀鈞刺春花壓翠樓張笙歌何處響林鸚鵡對人愁錢蓮

送陳三亦入越用韋莊韻

野花藤蔓亂苑送別旗亭酒半酣貞十丈画船如画閣載將春色

到江南 吳鎮

絕句

寶鳳搔頭玉步搖
淋漓艷妝空似海棠嬌
春情一種無聊賴
雙重到桃花
第四橋 錦海

芭蕉士女

寂寂無言斂翠蛾
花陰試步學凌波
玉頰空有嫦娥貌
羅不及芭蕉
雨露多 亡名

戲贈蓮如美人

玉纓翠珮雜輕羅
顰眉映春山眼映波
金若折得白蓮頭
上插 猶問人 瀟
灑似誰麼 朱漁

舟行即景

紅簾小艇穩如車
僧來寒水娟娟浸白沙
懶 江畔數鷗閑不起 蘇廣見
人飛去入蘆花 蘇復

童 琥

琥字廷瑞蘭谿人有艸窻梅花集句三卷凡三百有十首揚廷和序曰廷

瑞往年舉進士予從有司後得其文既而官刑部克慎其職不廢文事此
其為工部正郎使蜀時所集者

竹外松邊一兩柯元華景南迥臨村落傍谿橋唐堪將亂蕊添雲肆唐苦

被芳風透綺寮宋春事頓隨花片薄唐清吟半逐夢魂銷宋却思

前載孤山下元王章踏雪相尋豈嫌遠宋

練裙縞袂雪精神元夢在羅浮江上村元竹屋紙牕清不俗宋風

臺月觀情無言宋笑拈霜管題詩句唐靜愛寒香撲酒尊元誰遣

胡兒吹塞笛宋分明哀怨曲中論唐

殘雪踈籬半欲禳宋暗香消息已傳梅宋三家五家村舍出元劉一

花兩花香意回宋今日多情惟我到唐無人解惜為誰開全相逢劉

作尊前恨宋何處笛聲江上來唐

偶泄春光此一枝宋疎籬故山幽夢憶踈籬宋放雪羞潔白常回避宋風

送清香似可期宋老氣却因高樹得宋閒愁只許落花知元泉醉

中曾記吟詩處宋獨倚闌干待月時宋

一枝梅笑破冬巖宋殘臘新春氣候參宋更被誰家多事笛元許不教

幽夢到江南全上

江南地暖隴西寒一種春風有兩般講最愛夜深霜重處宋韓無人起

向月中看唐白居易

劉舉人芳節

芳節字聖達宜都人舉萬曆丁酉鄉薦公車時常從表小修及余遊有閨

情集句三十二首小修序之

綠慘雙蛾不自持曉庭和露折殘枝長疑好事皆虛事時莫遣佳期

竟後期李商隱舊曲聽來猶有恨蔣榮膺結盡轉相思梁意遙知更有難忘

處張仲射雉春風得意時韓宜

纖纖初月上鴉黃不把雙眉鬪画長素奈忽開西子面魏合美

蓉不及美人粧上目對題錦字添新恨曹開對幽花識舊香蘇子欲說春

心無所似醉池邊顧夢雨驚鸞劉庚

劈破雲鬟金鳳凰轉夢回餘念屬瀟湘繼徒勞掩袂傷鉛粉蘇知但惜流

塵暗洞房李商兩臉酒暎紅杏如醉一叢高髻綠雲光王粧成祗是熏香

坐王淮欲捲珠簾春恨長王

舊事淒涼不可聽直合紅怨綠影亭亭杜琴聲斷續愁兼恨東綠窻壁月移花
連醉復醒高新睡起來思舊夢東夜香燒罷掩重扇東綠窻壁月移花
景銀燭秋光冷画屏杜牧

丘劉

丘婦劉氏麻城人兵部尚書劉天和之孫女丘坦長孺之妻也集唐最工

悼長孺四首

江流曲似九迴腸愁思非春亦自傷明月不知人世變夜來依舊下西廂
鶯聲不散柳含烟寒食家家送紙錢心折此時無一寸杏花零落寺門前
磬聲初盡漏聲長添得離人兩鬢霜堦下青苔與紅葉九原何處不心傷
懸殘夜月人何在一見清明一改容墜葉飄花難再復生離死別恨無窮

追懷亡兄金吾延伯歌姬散盡有感集句四首

殘花悵然近人開南國佳人去不迴回首可憐歌舞地年年春色為誰來
濕雲如夢雨如塵自有春愁正斷魂人面不知何處在空留鶯語到黃昏
千山萬水玉人遙人事音書謾寂寥惆悵一年春又去更無消息到今朝
誰家玉笛暗飛聲總是鄉關離別情妾夢不離江上水夜來還到洛陽城

列朝詩集

閩集第五終